

卷之十八

寧波府知府富平曹秉仁纂修

名宦

自詩人以甘棠頌召伯爲名宦肇端迨後太史公作
史記遂爲循吏立傳則名宦之稱由來尚矣然名者
實之賓苟非實有功德於民如張湛之守漁陽岑熙
之治魏郡黃霸之在潁川卓茂之爲密令鮮不當時
則榮過則忘焉已寧自置郡以來代有循良近自我
朝加意吏治尤稱得人或以才能或以廉潔莫不份份然

各有表見而 秉仁 以謫劣叨蒙

特簡敢不益自淬勵奉曩賢爲法乎志名宦

唐齊澣

字洗心定州人開元二十六年爲江南東道採訪使先是武德中廢鄆州爲鄆縣隸越澣請復設州治以境有四明山號明州析鄆地置慈谿奉化翁山爲四縣隸焉後爲潤州刺史招集流民五百戶徙於明以安輯之

裴肅

濟源人初爲常州刺史以進奉遷浙東觀察使貞元中明州鎮將栗鎰誘山寇作亂攻陷浙東州縣肅擒鎰於台州送京師斬之

元稹

字微之河南人元和中爲浙東觀察使明州舊貢蚶驛達於長安郵卒不勝困敝奏罷之時華州刺史孔戣亦奏罷明州淡菜蚶蛤之貢民稱便焉

王式

咸通元年爲浙東觀察使先是賊仇甫作亂觀察使鄭祇德不能討甫陷象山官軍屢敗乃以式代之式籍管內得吐蕃回鶻配江淮者數百人錄爲騎卒使石崇本將之臨發勞以酒厚卹其家衆感泣願效死又奏得龍陂監馬二百匹閱諸營卒及土團子弟得四千人導諸軍分路攻討凡十九戰擒甫送京師斬之加式檢校散騎常侍餘姚民徐澤專魚鹽之利慈谿民陳斌竊官符稱縣令豪橫於鄉有司不能制式窮治其奸皆榜殺之民稱快焉

宋錢億

字延世吳越王似弟漢乾佑初判明州建隆元年州升奉國軍卽授億節度使內和兵民外固封守市無二價道不拾遺浚廣德湖築塘萬二千八百七十餘丈它山堰壞億跪禱於神增築完固卒謚康憲民立祠祀之

已上採訪使觀察使節度使

元完者都

蒙古人泰定中沿海萬戶府達魯花赤涉獵經史剛斷有謀在職二十年營戍鎮靜島寇

聞風懾服願無過小萬戶飛將軍臨政力行公道有司畏憚不敢毫髮屬民天中拜浙東宣慰司都元帥

王獻元

元統元年以宣慰司副使僉都元帥府事廉慎寬厚常被命錄囚多所平反董市船司有清白

名

泰不花

字達兼善伯牙吾台氏由禮部尚書翰林學士出為台州路達魯花赤以招安方國珍堅浙東

宣慰司都元帥會國珍復叛不花將討之先遣義士王大用往示約信國珍拘大用突入海門犯馬鞍等山不花率衆追擊國珍復遣其黨陳仲達請降將受降船乘潮而前膠沙不進與國珍弟國英船遇不花呼仲達與語仲達目動覺其詐手斬之且前搏戰射死五人躍入船復砍二人賊大至欲抱持過船不花

瞋目叱之奪賊刃又殺二人賊攢槩刺中頸死猶僵立不仆投屍海中年四十九

郭郁

泰定二年總管明敏有材畧正賦籍定役法措置食鹽綜理倉庫皆有法度修孔子廟納郡士於學

徵逋租節浮費至學廩不能容後除福建轉運使曹愚爲作去思碑

苦思丁

至順二年總管飲冰食藥始終一節化行民安如陽春育物而無跡嘗監商賦爲設方畧會計

悉當郡歲漕萬斛筦倉庾者或與漕戶不相謀紛然生事思丁出之如納民咸便之

王元恭

字居敬真定人至元六年總管元恭在他郡有能聲民間其至皆相慶至則問民疾苦馭吏有

威寬猛相濟興學校作杏壇詠歸亭飾從祀像學廩不給徵逋租贍之舉鄉飲酒禮市地爲義塚絕火化之俗作石馬道於江次以便漕運至正二年復成四明續志十二卷與延祐志並傳

阿般圖

字嗣昌至正九年總管下車首謁廟學葺殿廡儀像四方來學者至不能容舉鄉飲酒禮以化

民禁情農絕遊食聽訟主於抑強扶弱復立歲輸教條民免桀黠之奪時寇旱相仍般圖調財用完城郭幸富民義廩以贍軍士發當平惠貧乏天大雨郡遂有秋般圖嚴於治家晨出必高其戶僮僕無敢踰閭者閱三載以薦去民爲立去思碑

何槐孫字德孚蜀郡人至正二年任總管府推官持身所平反未嘗輕以聲色加人嘗著善治指南行世

邱楠字彥材永嘉人至正中以戶部主事從征方國珍既效順畱楠自輔國珍爲請於朝歷仕江浙分省理問行樞密院副使慶元路總管竭誠贊畫保障地方明兵臨城國珍竄入海楠告以天命有歸國珍遂降楠在俘馘高帝素聞其名特命原之已名除工部員外郎改知韶州府坐事戍西涼既耄得代歸省道經四明卒於定水寺卽葬寺傍

已上宣慰司都元帥總管總管府推官

羽湯和

鳳陽人吳元年以御史大夫率師征方國珍師抵紹興守將王若毅龍霖遜國珍懼駕舟宣海

餘黨奔台溫我先鋒至州老穉相率郊迎明日入城出榜撫民戢兵封倉庫置關鑰市肆不易已國珍來降俘送於朝命駙馬都尉王恭守郡徵和還洪武二十年命和以勛臣充總兵和躬巡海徵因其衙要改創諸衛所巡檢司城濠皆親為規畫民不知勞至今賴之

萬鐘

父斌子武文俱詳忠義傳

劉錦

字朝章嘉靖二年山溫州衛指揮擢備倭都指揮駐定海日本兩島貢使自相讐殺自郡城焚掠出

關錦倉卒督舟師追勦時村落男女避難入城者絡繹道路錦指難民與掌印指揮李震縣令鄭餘慶訣曰百萬生靈在兩君城守錦惟拚一身死賊耳與賊戰於霍山洋自辰至申不解錦連發矢斃數賊我舟

乘風潮薄賊舟膠不可動已而戰棚陷士卒多踣水
死賊望入我舟錦揮必格鬪亦力竭溺水呼曰受朝
廷重寄惟一死報國恩竟沒於海賊亦以創
甚遁去臺省上其事詔晉爵指揮使世襲焉

俞大猷

字志輔福建泉州衛世職中嘉靖十四年武進
士累官海南叅將調防寧紹台溫四郡時倭寇

猖獗大猷條上方畧謂當用閩中樓船爲長技總督
王忬從之王直據烈港大猷連敗之於松門普陀烈
港昌國臨山觀海諸處擒斬四千溺死無算直遂遠
遁以功陞南直副總兵丙辰以署都督僉事充總兵
官鎮守浙直尋卽真時舟山賊積歲不下大猷密遣
裨將張四維用火攻襲之斬首百餘級新倭入沈家
門木師遇之俘五十餘又戰小姑渡斬首二百四十
級已總督胡宗憲劾大猷縱賊不追逮赴詔獄疏辯
得釋大猷善談易精劍術好謀持重用兵未嘗
敗屢在鎮廉靜不擾軍屯秋毫無犯民甚德之

盧鏜

字子鳴世襲處州衛指揮嘉靖三十八年以總兵
官鎮定海鏜宿嫺韜畧在浙直屢破賊鋒至鎮時

年近七十時倭氛漸平鐘與海道譚綸築城招寶山名威遠樓櫓雉堞與縣城相犄角賊不敢近有突南洋者鐘督兵邀之斬首數百郡人建祠招寶山祀之

戚繼光

字元敬定遠人由登州衛世職歷陞浙江都司善訓練上練兵議謂用義烏人一旅可當三軍督府從之令召募三千人以南方不利長驅乃間長短兵夾振而進立隊長偏兩之法攻距擊刺互用名鴛鴦陣倭望見旌旗卽辟易所向取勝後爲薊鎮時攜以自隨南兵之名聞天下歷官少保左都督

已上總兵叅將指揮

國朝吳陞

字源澤福建泉州人康熙二十一年從大帥攻澎湖先登陷陣錄首功五十二年總戎定

海尋晉提督兩浙清儉自持嚴於馭下非涇寒盛暑不廢簡閱凡坐作進止稍未嫻必繩以律所給月餉

必均故士雖勞不怨遇有生事者必痛加懲革自是兵與民相馴若同室故事冬夜扞擻恒派鋪戶輪值陞日窮民少重衾育兒女必解衣均覆遺之出外舉家忍凍何堪兵取衛民戢盜固其分也遂飭營弁守夜猶恐巡徼偶疎夜分常親行隘巷以警其情故終任少穿窬之警歲大旱捐貲設醮步禱於龍潭得大雨歲獲有秋次年遷廈門寧寧人如嬰兒脫襁及在閩聞寧郡歲饑泛巨艘運米以濟其加恩去後又如此

已上提督

明楊瑄

字廷獻豐城人景泰五年進士以副使分巡海道軍官多放縱戍卒瑄立五日一操法復奏增

督糧通判一員絕勢豪包攬之弊凡城隍墩墩縣署舸艦甲兵皆以時葺修築定海城北捍海塘縣西走馬堤及霸衛健跳二所海塘巡海數歲波恬烽息成化十三年春有報倭船數百將犯定海者瑄時在杭僚采有懼色瑄曰彼果來吾盡誅之耳迨至郡守令已呼民壯授甲林立矣瑄以海上甲兵自足農事方

殷亟散遣之閱數日乃知倭
兩船入貢者也人服其智量

譚綸

字二華宜黃人進士嘉靖三十七年由台州知府
陞海道副使時倭寇尚熾明年三月賊千餘犯象山
聖井頭綸督兵勦之斬首百餘賊流至海寧與桃
渚海門黃巖諸賊合綸奉督府檄同叅將戚繼光統
兵追之復得級七百餘又賊一枝據寧海之石馬林
綸會叅將牛天賜勦平之郡人建祠招寶山立碑記
功

劉翹

字元翰四川人進士萬
元年以副使備兵寧郡
時倭寇屢警翹勤於訓練裕於積聚士馬飽騰軍
聲大振屹然爲
海上長城焉

葉夢熊

字男兆歸善人嘉靖末進士萬
十年以副使
任海道甫至卽周視海上形勝簡境內兵習戰
艦教水戰常令偵賊外洋無俾近
听海警頓息以邊才調永平兵備

丁此呂

字右武新建人萬十九年海道副使時兩浙

賊造戰艦數百令水陸分道戍守若陳錢華腦馬蹟
大衢霍礁蓬渤諸要害皆布置周密復募技勇士羅
置麾下海氛澄
息民賴以安

蕭基

泰和人由進士官諫垣以忤魏忠賢出爲海道副
使崇正元年聞寇鄭芝龍之叛黨周三攻昌國石

浦爵溪諸處基遣將蔡維周提陸師援象山親督郡
兵城守賊偵有備解去巢於大陳山基遣兵以火器
焚其舟復會台師夜襲
破之郡賴以安堵焉

盧若騰

字閑之同安人崇正四年進士召對稱旨卽授
寧紹海道僉事剔奸弊抑勢豪風裁凜然郡東

郭江畔爲商賈輻輳地細民有蓋厥貿易者豪紳勒
取其稅若騰懸榜禁絕之諸豪奴詐取民財捕至庭
下方杖時一奴露綾袴若騰拍案揭裳示之曰某居
官止一布袴若人奴乃侈暴至此加杖焉十六年胡

乘龍盜起若騰與知府陸自嶽虛懷
客度旬日間渠魁授首間并晏然

國朝朱思義

遼東人順治五年任海道僉事時兵弁縱恣往往借名陷害富家巨室重足而立思

義風裁卓立毅然以鋤強扶弱爲已任痛懲告訐之風民間得以安堵未幾竟以病卒人痛惜之

已上分巡海道

唐裴傲

河東人大中刺明州寇攘之餘悉心撫字匱紬者教之耕桑告窳者教之惇樸并服者教之

儀度期年流逋四集田疇闢里塾興越三載老羣得所俗化爲鄒魯傲爲政公嚴吏束手奉法無敢干紀射利者王密爲撰記德碣李陽冰書

王密

大中刺史有惠政李舟撰去思碑顏真卿書

吳謙

大中刺史有善政民歆血祠之

王沐

緄之曾孫貞元四年刺郡修舉廢墜政治一新嘗割俸建孔子廟落成日民不知勞

任侗

貞元九年刺郡城西廣德湖歲久湮塞侗爲之浚築溉田四百餘頃民甚賴之

韓察

京兆人丞相滉孫長慶元年刺史易縣治爲州治撤舊城址更築新城功大費廣民不知役

于仲友

太和六年刺史築仲夏堰溉田數千餘頃

劉巨容

徐州人爲州大將龐勛之反自拔歸授埧橋鎮遏使浙西突陣將王郢反攻明州巨容以筒箭

射郢死拜

明州刺史

黃晟

字明遠鄞人少伉勇望海鎮選募軍校晟以矮陋不中選歸而集衆保嘉平權州事羊僊補晟嘉平

舖將台人劉文冠明州僉擊走其衆餘黨據奉化晟率所部擊敗之遷伙飛都副兵馬使盜攻越州董昌不能制晟縱兵戮之昌奏晟散騎常侍浙東道東面副指揮使乾寧中刺史鍾季文卒晟自稱刺史賓禮

儒者江東文學之士咸來歸爲築別館以居創築城堞再成浮梁守州十有八年郡城及姜山奉化寺立飲飛廟祀焉

已上刺史

宋黃恕

字文揆襄人淳熙丙申領轉運判官以廉幹聞先是定治北走二舍爲莊北村之新工塘稍北

爲武功村之和尚塘有淤蕩界其中相距百餘丈延袤數里其深莫測前守修築罔效章大醇守郡檄恕董其事恕荷畚鍤運土伐石垂成而屢決每決時其下先有聲水湧如沸有衛士告曰是地無物而聲無風而雷龍罔象所宮也投以生人彼畏陽而縮始可成功恕曰修塘所以養民殺人成塘安用塘爲吾自捐吾軀耳翌日卽其地哀禱少頃復有聲如雷衆皆奔竄恕策馬臨峻崖大呼曰吾死此若輩可奮力語永竟崖崩并馬溺焉役夫求恕屍弗得哭聲震野如命封土越三日塘成忽塘右數十步水泉巖湧觀之

則忽屍也民具衣冠葬之大醇聞
於朝勅晉秩宣撫判官表其墓

潘方

溫州平陽人寶祐四年進士調慶元市舶司
提舉元兵破臨安慶元降附方不屈赴水死

已上轉運判官市舶提舉

宋李彝庚

天禧中以吏部員外郎直史館知州事市有
花樓神州將至必謁奠彝庚獨否一日過市

飄瓦中蓋左右以神爲祟彝庚毀其祠增鎮明嶺高
數丈建州學文廟合於子城南自是賢才輩出浚
東錢廣德二湖大興水利去後民立祠祀之

燕肅

天聖中以司封員外郎知州事民俗喜鬪肅下令
罪其先毀者風遂息作蓮花漏於麗譙以候昏曉

著海潮圖
及論二篇

錢公輔

字君倚武進人嘉祐中知州事時酒場課額不
足鄉民破產猶不供費公輔取酒場官鬻之分

輕重以給役者不復調民民蒙其惠

曾鞏

字子固南豐人熙寧中以度支員外郎知開事爲政務省疾苦嘗曰爲人害者不去則居人不寧修

築州城減冗費十之五六浚西湖作廣德湖記後通判越州作鑑湖圖皆根極始末其肫肫爲民皆此類

韓晉卿

元祐初知明州時差役復行諸道多失於處置獨晉卿視民所宜而不戾法旨

傅堯俞

熙寧初爲御史風節開天下元祐中知明州有惠政或問曰公居此何爲一言不及御史事堯

俞曰前日言職也不得已而有言今日爲郡守但當宣朝廷美意若仍追言前日闕政與誹謗何異人咸

服之

陳瓘

字瑩中大觀中攝倅明州歸田之入三無所取悉籍於官著有四明尊堯集

仇愈

字泰然益都人大觀中進士紹興五年改浙東宣撫使知明州爲政務挫豪強獎良善吏受賕雖一